

欽定續通志卷四十七

金紀

太祖

太祖皇帝姓完顏氏諱旻本諱阿古達父世祖諱和哩布母翼簡皇后納喇氏其先出靺鞨氏號勿吉勿吉古肅慎地也勿吉有七部唐初有黑水靺鞨粟米靺鞨其五部無聞黑水靺鞨東瀕海南接高麗五代時附屬契丹其在南者係契丹籍號熟女真其在北者不係契丹籍號生女真生女真地有混同江長白山混同江亦名

黑龍江所謂白山黑水也始祖諱哈富從高麗來居完
顏部布爾罕水之涯部衆信服之生子德帝烏嚕德帝
生子安帝巴哈安帝生子獻祖綏赫獻祖徙居海古勒
水耕墾樹藝始築室有棟宇之制自此遂定居于安春
水之側生子昭祖舒嚕昭祖始立條教約束部衆及耀
武於青嶺白山而勢乃浸強遼主官以特哩袞按金史世紀載
昭祖時尙未有文字不知歲月晦朔年壽莫得而考而
敘始祖乃云初從高麗來年已六十餘其敘明懿皇后
亦云部有賢女年六十而未嫁似相矛盾茲節其緊要者補附太祖本紀內餘槩刪不錄生子景祖
烏古孛景祖稍役屬諸部諸部多聽命來歸遼主以爲

生文真節度使稱都太師自是有官屬漸立紀綱據其山川險要以計謀不使遼兵入境得知其道里遼主嘗欲刻印與之使係籍不從以厚貲易鄰鐵爲甲冑兵勢大振時鄂敏水富察部特克紳特布水完顏部圖們水溫特赫部舍音水完顏部相繼來附卒年五十四子世祖和哩布及肅宗頗拉淑穆宗額嚕溫世祖生康宗烏雅舒及太祖自世祖肅宗穆宗康宗相繼爲節度使削平諸部康宗卒太祖嗣節度使位初遼道宗時有五色雲氣屢出東方大若二千斛困倉之狀司天孔致和

竊謂人曰其下當生異人建非常之事咸雍四年戊申
七月一日太祖生世祖與拉必瑪察戰于野鵲水被四
創疾困坐太祖于膝撫之曰此兒長大吾復何憂太祖
舉止端重少卽善射一日遼使坐府中見太祖手持弓
矢使射羣鳥三發皆中遼使矍然曰奇男子也太祖嘗
宴赫舍哩部南望高阜使衆射之皆不能至太祖一發
過之踰三百二十步後立射碑以誌焉太祖嘗遇壯士
托雲乘駿馬持槍來刺太祖不及備舅氏和爾和馳出
其間擊托雲槍折刺中其馬托雲僅得免又嘗遇敵兵

追急獨行隘巷中失道追者益急值高岸與人等馬一躍而過追者乃還世祖寢疾太祖以事如遼統軍司將行世祖戒之曰汝速了此事五月未半而歸則我猶及見汝也太祖往見和囉木薩噶統軍旣畢事前世祖沒一日還至家世祖見太祖來所請事皆如志喜甚執太祖手抱其頸而撫之世祖疾革謂穆宗曰烏雅舒柔善惟此子足了契丹事世祖已擒拉必瑪察尙據哲克依水肅宗使太祖先取瑪察家屬康宗至哲克依水圍之太祖會軍親獲瑪察獻馘於遼遼命太祖爲詳袞久之

以偏師伐尼瑪哈部伯赫布爾噶等乃以特通額爲鄉導沿刷水夜行襲之虜其妻子初溫都部巴圖殺唐古部巴噶穆宗命太祖伐之乃與烏庫哩部兵沿屯水過摩琳鄉追及巴圖於額斯琿山北灤之間殺之薩哈以都統伐塔克們圖琿合實圖美伐達薩塔薩哈與將佐議或欲先平邊地部落城堡或欲徑攻塔克城議不能決願得太祖至軍中穆宗以甲士七十命太祖將以往們圖琿在穆嚕密斯罕城下實圖美未到土人欲執們圖琿以與敵使來告急遇太祖于實都甸太祖曰國兵

盡在此矣使敵先得志於們圖琿後雖種誅之何益乃分甲士四十與之自以三十人詣薩哈軍及至夜急攻之遲明破其衆還攻烏塔城遣普嘉努招卓多卓多乃降穆宗將伐蕭哈里募兵得千餘人女眞兵未嘗滿千至是太祖勇氣百倍曰有此甲兵何事不可圖也哈里來戰與遼兵合因止遼人自爲戰渤海留守以甲贈太祖太祖不受曰被彼甲而戰戰勝是因彼成功也穆宗令諸部不得擅置信牌馳驛訊事號令自此始一皆自太祖啟之康宗七年歲不登民多流莩强者轉而爲盜

罕都等欲重其法太祖曰以財殺人不可財者人所致也遂減其法爲徵償三倍民間多逋負賣妻子不能償太祖曰骨肉之愛人心所同願停三年勿徵自是遠近歸心焉太祖旣襲位遼使阿息保來曰何以不告喪太祖曰有喪不能弔而乃以爲罪乎赫舍哩阿蘇旣奔遼按金史世紀穆宗伐阿蘇阿蘇奔訴于遼而城破遂留于遼自後康宗嘗責遼以不遣阿蘇太祖又遣實古納等往索之是阿蘇之留遼久矣遼史云天慶四年阿蘇來奔金太祖遣人來索考天慶五年卽金收國元年則天慶四年去穆宗有十餘年之遠遼史恐有誤載初遼每歲遣使市名鷹海東青于海上道出境內使者徵索無藝公私厭苦之康宗

嘗以不遣阿蘇爲言稍拒其使者太祖遣宗室實古納
完顏尼楚赫往索阿蘇實古納等還具言遼主驕肆廢
弛之狀於是召官僚耆舊以伐遼告之使備衝要建城
堡修戎器以聽命遼使節度使尼格來問狀曰汝等有

異志乎

按遼史載天慶元年遼主漁于混同江生女眞
部長阿古達率其弟烏奇邁等來朝遼主以其

跋扈疑有異志大金國志載天慶四年遼主如混同江
疑阿古達欲殺之金史載穆宗襲節度使位時朝遼主
于漁所于太祖本紀不言有朝遼主事至太祖將伐遼
遼乃使使以有異志來問狀亦非朝遼主而見疑也諸
書各異附

識于此

太祖曰設險自守又何問哉遼復遣阿息保

來詰之太祖曰我小國也事大國不敢廢禮大國德澤

不施而逋逃是主以此字小能無望乎若以阿蘇與我
請事朝貢苟不獲已豈能束手受制也阿息保還遼人
命統軍蕭托卜嘉調諸軍於寧江州太祖聞之使富卦
喇復索阿蘇實觀其形勢富卦喇還言遼兵多不知其
數太祖曰彼初調兵豈能遽集如此復遣華沙布往還
言惟四院統軍司與寧江州軍及渤海八百人耳太祖
曰果如吾言乃謂諸將佐曰遼人知我將舉兵集諸路
軍拒我必先發制之衆皆曰善乃入見宣靖皇后告以
伐遼事卽奉后率諸將出門舉觴東向以遼人荒肆不

歸阿蘇并已用兵之意禱於皇天后土禱畢號令諸部
達嚕噶部色爾袞來告曰聞舉兵伐遼我部誰從太祖
曰與汝鄰境固當從我若畏遼人自往就之九月太祖
將攻寧江州督諸路兵會於拉林水得二千五百人以
遼之罪申告於天地傳梃而誓將至遼界先使宗幹督
士卒夷塹旣度遇渤海軍來攻左翼衆少卻遼兵直犯
中軍會耶律色實墜馬遼人前救太祖射救者斃之復
射中色實宗幹與數騎陷遼軍中太祖救之免胄戰或
自旁射太祖太祖還射之一矢而斃謂將士曰盡敵而

止衆從之勇氣百倍遼軍大奔相蹂踐死者過半薩哈

在別路使人來賀且請稱帝太祖曰一戰而勝遂稱大

號何示人淺也進軍寧江州遼統軍司以聞時遼主射

鹿於慶州遣海州刺史高仙壽應援

按遼主略不介意
惟遣一刺史應援

此正其致敗之由金史失載茲據
續通鑑綱目補纂以戒先幾之失

諸軍填塹攻城寧江

人自東門出溫特赫額圖琿邀擊盡殪之十月朔克其

城獲防禦使大藥師努陰縱之使招諭遼人鐵驪部來

送款次拉林城以俘獲賜將士召渤海梁福額特俀使

之僞亡去招諭其鄉人曰女真渤海本同一家我興師

伐罪不濫及無辜也使完顏羅索招諭係遼籍女真師

還命諸路以三百戶爲穆昆十穆昆爲明安十一月遼

都統蕭嘉哩副都統托卜嘉將步騎十萬

按珠赫店之役金史載十

一月遼都統蕭嘉哩副都統托卜嘉將步騎十萬而遼

史載十月發契丹奚軍三千中京禁兵及上豪二千別

選諸路合萬餘人命都統蕭嘉哩副都統托卜嘉將之

與金史異續通鑑綱目載十一月發契丹奚軍二千中

京禁兵七千以蕭嗣先爲都統托卜嘉副之又與遼史

異大金國志載發奚契丹兵五千人兵潰復召宰相張

琳付兵十萬分四路悉爲女真攻陷又與諸書會於鴨

互異而據續通鑑綱目尤足見輕敵致敗之失

子河北太祖自將擊之未至會夜方就枕若有扶其首

者三太祖寤曰神警我也卽鳴鼓舉燧而行黎明及河

遼兵方壞陵道選壯士擊走之大軍繼進遂登岸甲士
三千七百至者纔三之一俄與敵遇于珠赫店會大風
起塵埃蔽天乘風勢擊之遼兵潰逐至沃稜灤殺獲首
虜及車馬甲兵不可勝計遼人嘗言女真兵若滿萬則
不可敵至是始滿萬云幹魯敗遼兵斬托卜嘉富呼等
攻賓州富察攻祥州拔之鐵驪王和勒博以所部降烏
楞古敗遼軍於咸州西斬統軍羅索完顏羅索克咸州
按遼史云天慶三年三月阿古達率五百騎突至咸州
四年舉兵攻寧江州考金史太祖攻寧江州前無以五
百騎至咸州事及克寧江州後烏楞古敗遼兵於咸州
完顏羅索克咸州亦非太祖親至也遼史又云天慶元

年女真部長阿古達來朝四年攻寧江州據此則太祖
爲節度使四年而後稱帝考金史康宗于癸巳歲崩太
祖襲位至歲乙未以羣臣勸進乃稱尊號是爲節度使
止二年也續通鑑綱目不載攻咸州事其襲位年月與
金史同遼史則因是月烏奇邁薩哈希卜蘇率官屬諸
誤記而失事實爾將勸進願以新歲元日恭上尊號太祖不許阿里罕普
嘉努宗翰等進曰今大功已建若不稱號無以繫天下
心太祖曰吾將思之

收國元年

恭讀水本靈區

御製全韻詩題金太祖云白山黑

人端重善射炳智燭以此諸部漸歸附素衣朱襪從于
沃適值遼政漸不綱混同迎戰似神告女真滿萬不可
敵至是其言驗如卜建國稱帝遂號金敗遼達嚕窮追
逐一百廿年帝業開天相抑亦由人勛按金太祖初生

時卽有五色雲氣之瑞固出天相然英謨獻略算無遺策知人善任人樂爲用故遼宋之事雖成于天會間而規模實自此始誠如聖論所定也謹錄于此

春正月壬申朔羣臣奉上尊號是日卽皇帝位帝曰遼以兵鐵爲號取其堅也兵鐵雖堅終亦變壞惟金不變壞金之色白於是國號大金色尙白改元收國丙子帝自將攻黃龍府遼遣都統耶律鄂爾多左副統蕭伊蘇右副統耶律章努都監蕭色佛呀騎二十萬步卒七萬拒之帝率兵次寧江州西遼使僧嘉努來議和國書斥帝名且使爲屬國庚子進師逼達嚕噶城帝登高望遼兵若連雲灌木狀顧謂左右